

311.

inen rechten Spiritum Tartari zu ma-  
 chen / welcher nicht allein zu der Arzney zu gebrau-  
 chen / sondern auch den Mercurium corpo-  
 rum darmit zu verfertigen.

2. Kstlichen mache dir ein schön rein Sal Tartari,  
 wie du weißt.

Zum andern / imbibir dasselbige mit distillirtem  
 scharffen Essig / denselbigen zehle in B. ab / so gehet  
 die Phlegma, und die Schärpffe bleibet da-  
 rinnen.

Zum dritten / imbibirs wider mit frischem distil-  
 lirtem Essig / und procedir wie vor; das thu so offte /  
 daß der außgegossene Essig wider so scharpff darvon  
 gehet / wie er außgegossen worden: so wird darauß  
 ein flüssiges Salk.

Zum vierdten / dieses bereitere flüssige Salk im-  
 bibir mit einer Essentia vini, filtrirs / und distillir  
 den Spiritum vini in Balneo trucken ab.

Zum fünfften / mische darunder den halben / oder  
 den dritten theil sublimirten / oder sonst purgirt  
 und gereinigten Calmtac / und digerirs mit  
 einander in einem wohlvermachten sigillirten Cir-  
 culatorio.

Zum sechsten / mische darunder zween theil cal-  
 cinirten Alaun / Trippel / oder calcinirte Reiß-  
 stein / thue es in ein bequeme und beschlagene  
 Retorten / und treibs lege Artis in einen Spiri-  
 tum.

Zum